



### **Deponia Ova Spin/Champsech - planisaziun e progettaziun - surdattas da lavur fasas 2 - 4**

Principi da l'on 2023 d'eiran gnüdas surdattas las lavurs per las prümas duos fasas per la planisaziun e progettaziun d'üna nouva deponia in Ova Spin/Champsech. Intant han quistas prümas duos fasas pudü gnir serradas giò. Las lavurs per la terza e quarta fasa sun gnüdas surdattas al büro Stauffer & Studach AG, Cuoira ed a la firma EcoAlpin SA, La Punt Chamues-ch.

### **Nouv plan da gestiun forestal 2026-2038 - sustegn elavuraziun e redacziun - surdatta da lavur**

Il Cumün da Zernez suottastà al dovair da planisar la gestiun da god a lunga vista (ledscha forestala). Dürant ils ons 2023 e 2024 es gnüda manada tras la fasa da preparaziun. I sun gnüdas cartadas (inventarisadas e valütadas) las surfatschas necessarias per gestir il god d'ürant ils ons 2026 fin 2038. In seguit es d'ürant il 2025 dad evaluar tuot las datas, priorisar las surfatschas, finalisar la planisaziun e metter in scrit la redacziun. Las lavurs da sustegn e redacziun sun gnüdas surdattas a Pitsch-ing.ch, Ftan.

### **ICT server 2025 – dumonda da princip e surdatta da lavur**

Il server cumünal es gnü cumprà ed installà dal 2019 ed ha uossa ragiunt ün'età cha'l riva adüna daplü a seis cunfins da prestaziun. La dumonda da credit es gnüda approvada da la radunanza cumünala dals 2 december 2024. Il gremi responsabel ha acconsenti la dumonda da princip e surdat l'incumbenza per la furniziun ed installaziun dal nouv server a la firma AlphaCom a Domat/Ems.

### **Provedimaint central da chalur - terz ardader - dumonda da princip**

Fin hoz sun duos ardaders da ziplas in funcziun e cun l'ultim ingrondimaint da la rait dal provedimaint da chalur cumünal es ragiunta plü o main la capacità maximala da producziun da chalur. Our da quist scopo es previs d'installar ün terz ardader. Quist ingrondimaint es eir necessari in vista a la sanaziun da la Via Maistra ed al schlargiamaint dal s-chodamaint central in l'areal Cul. La radunanza cumünala dals 2 december 2024 ha deliberà ün credit d'investiziun i'l import da 850'000.00 chf per quist proget. La dumonda da princip da es gnüda acconsentida.

### **Alp Barlas-ch Suot, Brail - mantegnimaint - dumonda da princip**

La situaziun d'abitar per la pastriglia aint in Alp Barlas-ch Suot, Brail nu correspuonda plü als standards d'hozindi. Previs es da rimplazzar la cuschina e far nouv la tualetta/bogn sper las chombras existentas aint il stabel grond (tablà). In seguit a l'approvaziun tras la radunanza cumünala ha la suprastanza cumünala deliberà l'inizi dal proget. Implü s'ha inizià la procedura da fabrica per edifizis dadour la zona da fabrica.

### **Cumischiuns e delegaziuns cumünalas - surlavuraziun 2025**

Üsitadamaing s'ha surlavurà il register da las cumischiuns e delegaziuns cumünalas e preschantà a la suprastanza üna proposta pels adattamaints. La suprastanza cumünala ha decis sur da las commemoranzas, delegaziuns etc. pel 2025.

### **Persunal - nouv manader da finanzas ed impostas**

Principi mai 2025 cumainza Tinet Flura da Müstair sco nouv contabel e manader da finanzas ed impostas sia piazza da lavur pro'l Cumün da Zernez. Tinet Flura rimplazza ad Erich Sulser chi vain pensiunà sülla fin da l'on 2025.

### **Statistica sezzüdas, radunanzas e votaziuns 2024**

La suprastanza cumünala es gnüda orientada sur da la quantità da sezzüdas e tractandas da l'on 2024. La direcziun operativa ha trattà 367 tractandas in 23 sezzüdas, la suprastanza cumünala 260 tractandas in 23 sezzüdas. In duos radunanzas cumünalas han votantas e votants decis sur da 10 tractandas. D'ürant l'on 2024 haja dat quatter votaziuns resp. elecziuns a l'urna.

**Il Cumün da Zernez ha acconsenti ils seguaints permiss da fabrica:**

- Parcella no. 0151, Cumün da Zernez, Zernez - sanaziun fatschada local da pumpiers
- Parcella no. 0188, KariCello GmbH, Zernez - prolungaziun permiss piazza per depositar e sortir material in Cul, Zernez
- Parcella no. 0410, Sandulache Vlad, Brail - adattamaint fanestras

**Dumondas da fabrica BaB**

La suprastanza cumünala ha concess in sia sezzüda ün permiss da fabrica per edifizis dadour la zona da construcziun (BaB):

- Parcella no. 0200, Toutsch Domenic, Zernez - ingrandimaint stalla e nouv access Via da Cul
- Parcella no. 2228, Salt Mobile SA, Susch - modificaziun antenna Davo Plattas